

● 歷朝憲章類誌卷之十六

潘輝注著

▲ 官職誌

● 庶司職掌之殊下

昭統帝元年。省六番官屬。庶事並歸六部。校定職掌頒行。吏部職掌官爵封賜。銓選考課黜陟之政。填補給與之事。

一銓補衆職。係六年一大除。每年一補缺。例三月期揭曉收單。七月期看閱。八月期開銓類奏簿。進納候奉。付出政堂官覆查。經吏科官覆閱訖。仍欽行各職敕命。勘合并給憑外。仁其堂下郎員官查比各由。呈堂并寫其銜。與司務官用下勘合。蘭藤分掌各役。並依舊例。

一郡守縣令。最爲親民之官。選授尤所當謹。應照遵先朝申飭事理。察其言行。觀其器識。與照科場多少。資勞淺深。以爲繁簡等第。如外闕員。見二司備呈。卽速擇人銓行。毋得稽遲。其不由科場及應務者。淺而資綠。陳乞直送者。許得封駁。仍計請加論。以懲倖進清仕途。

一遞年二月。送咨示簿。十月送記注簿。並照例欽行。

一遞年考課內外各衙門官吏政績。分上下三課。應與御史臺官公同奉行。每年照事例轉送各衙門。類課簿納在本部。以憑考定。事訖轉類政官覆審。請旨裁奪。

一試中書算各名。據政堂計送。照隨等項。充補內外各衙門應務。具本欽進。付下政堂審閱。請旨送來本部欽行。欽付頒許。

卷十六 官職誌

庶司職掌之殊

四六

一國朝洪德官制與保泰以後校定官制奉守遵行其歷朝銓法沿革應纂集成書以備參考

一凡蔭封封贈並據政堂欽送照例奉行

一特恩推惠保陞軍功陞授各述並照政堂計送欽行敕命預郡公爵者欽行制命

一造作銀冊欽頒諸臣據政堂官送來欽行

一卹冊追贈據禮部官移來照例欽行敕命交禮部

一內外署行及平任各職並照欽送欽行聖旨并各據藩臣輔導據欽送行敕命頒許

一聖節禮欽傳高平府鎮官轉送輔導拜賀欽頒青衣并行李錢在戶番照收發

一係欽御旗纛會試博舉省方等旗並照例割使該吏體察屬部諸軍圖次

一鄉試科割使該吏隨監點官點任各職及鄉試場會試場寫榜把門騰對等役並依舊例

一欽守山南處快州應天等府與又安高平各縣州丁田簿擇付該吏分跡欽守其簿歸貯公函

委堂官分掌點鎖如有送來增減入例應公同責比端的方可改正

一屬部一內中等字營奇隊船寓祿口分民據戶部官許來照例行派給許

一屬部制祿寓祿口分存餘進納與欽領官庫置爲左收錢發粟米號左收粟米發錢號應照舊

例奉行其寔錢粟計來戶部待有派發

一高平府督鎮衙門進納本府租庸調錢並據戶部官送來待有派發

一欽收屬部軍湖田宮田粟子稅例轉納戶部歸貯藏庫

一遞年歲週交春等禮照本屬各寺觀禮物錢數備本納政堂送戶部發官錢欽行

一 遞年欽頒春牛官曆官扇。遞進文廟武廟。并照發屬部各營奇隊船官兵。

一 旌纛日考射標。考射銅壺。與博舉期考力諸軍。並照例割使屬吏。隨欽差官奉行。

一 奉收內圍子。在上福嘉遠南昌御天天祿興元各號。據戶部計來。某縣社照收。轉納在左徵甲

乙號收貯。計來戶部送發。

一 哀牢鎮寧樂丸芒禎鄭畢等使朝貢。照例排置接宴及欽頒恩例。

一 屬部諸殿廟寺欽頒某員監守。據欽送行敕旨頒許。

一 遞年奉收發錢粟米等項及奉頒官銀奉行各役。歲季總計修寫奏簿三本。請用封子。一本進

覽。一本納政堂。一本納戶部。

戶部職掌田地戶口賦稅征催倉庫錢穀之政。官兵俸餉之事。

一 審量財賦出入。每年歲季會計一年徵收所入。與用度所出。兩相較量。如消發廣費。當酌量裁

損。與凡關財政。又當損益兼濟公私者。逐一條奏。取旨欽行。其內付賜予給發田土銀錢等項。或

涉浮泛。計請執奏。其徵收送發二跡。擇委屬吏編注詳明。時加計覈。以防乾沒。

一 凡丁田簿籍如有增減與蠲除。須經政堂公議。奏準欽下封子。送來本部奉行。應照內除減事

因。或未妥當。許得繳奏。付政堂再審。俾得確當然後施行。

一 欽守各處府縣社村庄坊寨峒册丁率及公私田土官洲土諸簿。寓祿制祿惠祿世業祀事。及

各司衛營奇隊船口分民。註給簿。廉祿使祿賞祿。與替易田簿。巡渡市號。堦隘鹽灶。土產水產。蠻

人山庄七族稅例。與諸雜稅例。招集民簿。司稅例簿。軍田湖田粟子歸貯右園官庫及內外諸

卷十六 官職誌

庶司職掌之殊

四八

官庫簿。徵收諸員進納諸賦稅。編送收簿。六屬諸號跡簿。加租調錢。亭門教坊。衛率庸調。在徵撫官照收簿。屬清華安廣等處。與奉天府及山南處常信府各縣丁田簿。以上各簿並歸貯公函。付該吏分跡奉守。仍委堂下官分掌粘鎖。以防顛倒。其丁田諸簿。如有送來增減與入例。應公同查比端的。方可改正。

一管兵諸員制祿。及營奇隊船寓祿口分民。並照例均給。其制祿在本部行派。其寓祿口分。照送屬部欽行派跡。其屬部前左右內前各等字諸軍。亦在本部行派。仍通照所給各項。修寫奏簿。納在政堂爲跡。

一巡渡市號煤隘土產水產及諸稅課。除別頒各員衙徵收。例屬各部徵收外。只存干跡。並在本部欽照收進納。

一奉收哀牢鎮寧臯州樂丸芒禛進納貢例。并歸合稅例。其哀牢來貢。奉作公館。許伊使居駐。

一許頒皇子皇弟皇親惠祿民田。與侍內宮嬪寓祿民田。並欽行敕旨遞納內頒。

一欽給諸寓祿使祿養祿惠祿賞祿廉祿祀事世業民田。照依條例奉行。其使祿養祿送工部行派。祀事送禮部行派。其餘派跡。並在本部照例欽行。

一欽給御史臺三司守隸民。欽行派跡。其各廚口分派跡照例欽行。

一遞年太廟至敬殿生時忌時四時祭正旦三節日。元宵清明端午中元中秋重九慶壽葆神國醮等禮。與聖節立春掃刷鎮符各節。並據禮部官具本。欽定送來。欽發官錢。并鹽米油鹹等項。付神廚大官神宮良醞等署欽行。其立春春牛陽牛官扇。並據工部官具本。欽定送來。欽頒官錢照發。并遞年制造官曆。欽發官錢。付欽天監欽行。

- 一 遞年謁郊禮。照發錢米水油。據欽送照發。司禮承諭整作禮物。
- 一 遞年關寶禮。據欽送照發官錢。付禮房整辦禮物。由舊在司禮整作
- 一 丁祭戊祭風雲社稷等禮。春秋二期。據禮部官具本欽定送來。照發錢米絹鹽水油。付監簿監知及太官良醞壇使欽行。其整作祭器。據工部計來照發官錢。付該簿欽行。
- 一 遞年先農禮。據禮部具本欽定送來。照發錢米鹽鹹。并絹。付壇使太官欽行。
- 一 會試科。例有奉事內殿各禮。與殿試應制等日。及東閣科。例有接宴。並據禮部具本欽定送下。照發錢米鹽水油。付太官良醞司整作。其供頓什物。照發官錢買辦。
- 一 欽賜進士造士宴例。據禮兵等部官具本欽定。送來照發官錢。付太官良醞欽行。其欽頒冠帶衣服花枝。據工部具本欽定送來。照發官錢。并欽領內頒銀子。付該部欽行。
- 一 欽頒始進士衣錢。其始貢士拜謝。頒賜錢布。並據禮部具本欽定送來。照發官錢。并布欽行。
- 一 欽往北使陛辭。及濟事回還等日。欽奉賜宴。并銀錢。據禮部具本欽定送來。照例欽領內頒銀子。并照發本部官錢。付該衙奉行。
- 一 歲貢金銀什物。據工部具本欽定送來。照發官錢。交該部欽頒奉行。
- 一 致仕諸員。例有彩旗對句。據工部官咨來。照發官錢。付該部整作。
- 一 各府縣學校。例有準給學田。每府二十畝。照例奉行。
- 一 各社民招集年限例。滿期招集官備類候勘。應照某民滿期未類者。具奏。付下政堂督促。差官勘定補例。

一各跡開墾荒田具本付下政堂督促類奏差官勘定補例。

一替易田除經久已成額外。凡遞年始易。如有以瘠換肥。以荒換熟等弊。查出洞達。許得改正。前後替換之例。永行禁止。

一太廟右園官庫。本部官與同欽差官監守。凡收貯照發粟子。及分付提領兵更守。並照舊例奉行。

一屬部太廟文廟鎮武觀欽頒某員監守。據欽送行敕旨頒許。

一收守屬部各坊寨軍田湖田。及宮田收收粟稅進納官庫。

一該收各員。類糾各社民留欠。應備類洞達。付下差官刷收。某員不納不糾。亦許類奏。付下論行。

一又安處鎮官。歲周欽類收發部送留爲跡。

一欽收扶寧清波彰德太平等號。照收進納。在甲乙徽號。

一屬部寓祿制祿口分。存餘進納。與欠領官庫。置爲右收錢。發粟米號。右收粟米發錢號。並照舊例奉行。

一遞年併給各項民祿。只存干社民。應照送屬部收收進納。待有支消。行派送發。

一欽侍各餘月糧衣服等錢。應照據內頒欽奉照發。

一草養公家公馬。應據兵部官咨來象馬在廐寔數。參酌舊例。准定錢數。請旨付各隊領官錢買草。

一賜卹錢據禮部咨來照發伊族。

一營造修理理作各役。並據工部工正等官。及各跡備本付出。應照開類項物件。平估價值。照發

官錢奉行。待工作事訖。考寔本跡奉行。疎略者備奏奉行。

一該部逐月寔收若干。照發若干。三月一期。修寫奏簿三本。請用封子。一本留在本部爲跡。歲週計成數類簿三本進覽。欽下封子。一本留中。一本納政堂。一本留本部。以便稽攷。

一曰食月食。據禮部衙門移來抄送各衙門。

一鄉試科據禮部欽官送敕旨。仍抄送各衙門。

一鄉試預中三場等名。並據朝堂送到各本。仍據送各衙門。照例奉行。

一鄉試會試場寫榜把門謄對。照例割使該吏欽行。

一遞年欽領春牛官曆官扇。照發屬部各營奇隊官兵。

一諸徵收官冗濫諸員衙欽奉給賜田土。濫索例外。及徵收官糾民頑強。不受引

田與納稅。各社被重給勝給。並鳴在部責論。

一遞年告祭歲週交春等禮。照本屬各等祠禮物錢數。備本納政堂。送來欽行。

一外國哀牢鎮寧樂。凡芒禛臯州等使朝賀。其排置接宴恩例。並同吏部欽行。

一旗纛日考射銅壺。與博舉場期考力。並照例割屬吏。隨欽差官欽行。

一欽御旗纛會試博舉省方等期。並照例割使該吏體察。屬諸軍圖次。

一欽收天關瑞原二號。照收不堪另率。與不圓另率庸錢米進納。

禮部職掌禮儀祠祭慶宴學校科舉之政。衣冠印符章表貢使朝覲之節。兼總司天醫卜及僧道教

坊同文雅樂之屬。

卷十六 官職誌

庶司職掌之殊

五二

一登極改元恩詔進尊金冊等禮。元旦謁郊聖節慶壽進曆進春開寶休賀等禮。太廟至敬忌時祭等禮。端午中秋中元重九國醮葆神掃刷鎖符丁祭社稷風雲先農日食月食等禮。並照舊儀註事。有禮物者。欽本候奉御定。轉送戶部照發官錢。付各署局整作。咨移劃示各衙門。票送街市。及諸事例。並照舊例。欽行。

一殿試進士造士應制東閣諸事例。並照舊。欽行。

一春試場。收貢士試卷。書算科士人試卷。鄉試科士人試卷。勅旨送各處內場。并本部吏。有鄉試會試。寫榜把門。膽對依舊例。

一使臣往回宴禮。與進士冠帶榮鄉宴。並照例。欽本備計禮物。欽定送部官。照發官錢。付太官署。欽行。

一欽守保泰年准定品服行儀例。

一欽纂歷朝國孝禮。

一天朝欽使冊封。及諭祭等禮。凡行禮儀註。及往回迎接贊見。供頓餽贐。另贈諸禮數。及諸事例。應查照纂集成書。以備大典。

一戊祭禮。應照丁祭禮一體遵行。

一旗幟禮。據兵部官。欽送奉行。

一欽守百神祀典。遇有登秩。及特准加封。與始奉褒封福神。並據政堂。欽送奉行勅命。

一社稷風雲先農等壇使壇副與僧尼度牒和尚僧錄濟生堂攻文內外諸敕旨並據政堂欽送議銓行。

一追贈贈卹諸事例預三品以上據政堂官議准欽送奉行四品以下本部官照例奏請奉行其欽給祀事民田移戶部官照給計來欽行派跡其卹錢送來戶部照發其追贈諭祭仍照例奉行。

一夏祭中元各節具本欽領官錢在戶部官發諳曉樂土社整作冥衣冥財奉行。

一正旦表禮聖節表禮四鎮二司例進精銀各玖鎰欽收進納。

一遞年聖節預告禮其內外各殿廟及諸名藍寺觀最靈神祠當有告祭應照責逐位參酌禮數請旨付下欽行轉送各部照本屬殿廟祠寺欽領官錢整辦禮物并委差官吏欽往行禮。

一遞年聖節禮文武諸臣內外任各衙門上進銀錢酒及各鎮上進禽獸應參酌舊例請旨遵行。

一欽收預管兵各衙門與祀事各族上忌神錢酒禮提領各處三司官上進忌時節料端午銀子禮營官鎮官上進嘗先牢米禮各處留守督鎮轉納藩臣上進節料銀子禮其銀子錢酒牢米並進納在欽差官照收候奉欽發。

一屬部海陽宮廟祭器如有毀裂許二司官皂隸民備本納在本部勘寔類納政堂送戶部習價欽領官錢奉行事訖計來戶部覆勘及欽頒某員監據送敕旨頒許。

一凡印章體制篆文及鑄造諸事務並在本部欽行。

一欽收金城嘉福上洪先明等號遞年據戶部官計來只存干社收進納在東甲乙徵號收貯計來戶部送發。

卷十六 官職誌

庶司職掌之殊

一 欽收諸曉民。超類縣樂土社。造作冥衣冥財。奉事夏節中元各禮。壽昌縣紅枚安舍等坊。爛宰牛牢。奉事各禮。東關三弄社。例納金銀形人。奉事中元。交春等禮。錦江縣毛田社。例納細布。青河縣費舍范溪等社。例納土硃。

一 欽收屬部皂隸。諸曉民。古鄒南陽支礙鄒溪樓澤東郊等社。私租進納。

一 屬部制祿寓祿口分。存餘進納。與欽領官庫。置為東收錢發粟米號。東收粟米發錢號。其寔收錢發粟計來戶部送發。

一 太廟至敬奉事祭器。如有毀裂。據守殿官。欽本付出。勘寔開項。欽納。送戶部官准價。照發官錢。

欽領奉行事訖。計來戶部覆勘。

一 遞年六月期。欽領官錢。造作祭器各圖。十二月遞回。又安處奉頒香芹湖口湖海口等社。奉事六位三廟祠。

一 奉事太廟忌時。加厚熟食具盤牛炊。照舊錢數。具事送戶部。照發官錢。付四廚奉行。其圓餅麩肉。應參酌准定。請旨奉行。

一 諸僧道相爭。住持寺觀。假冒度牒。及各社爭奪祀事田。諸員衙與各族占濫祀田。並鳴在本部查論。

一 屬部海陽宣光等處。各縣丁田簿。擇付本吏分跡。欽守。其簿歸貯公函。委堂下官粘鎖。以防顛倒。如有送來增減與入例。應公同責比。端的方可改正。

一 宣光處鎮守進納本處租庸調錢。據戶部官送來。照收待有派發。

一 欽守屬部軍田湖田粟丁稅例。轉納戶部。歸貯公庫。

一 屬部左字各營奇隊船寓祿口分民。及祀事各族。據戶部計來。欽行派給。

一 聖節禮。欽傳宣光處鎮官。轉送藩臣輔導。回京拜賀。欽領青吉衣。并行李錢。在戶部照發。

一 遞年欽領官錢。照發海陽處監守宮廟官奉事各禮。

一 遞年告祭歲週交春等禮。照屬部諸殿廟寺觀禮物錢數。備本納政堂送戶部照發官錢。欽行。

一 遞年欽領春牛官曆官扇。欽頒屬部各營奇隊船官兵。

一 旗燾日。考射堞。考射銅壺。與博舉場期考刀諸軍。並照例割使屬吏。隨欽差官奉行。

一 係欽御旗燾會試博舉尚方等期。並照例該使該吏體察屬諸軍圖次。

一 遞年奉收發錢粟米等項。及奉領官錢。奉行各役。歲季總計修寫奏簿三本。請用封子。一本進覽。一本納政堂。一本納戶部。

兵部職掌兵戎禁衛車馬儀仗器械之政。邊夷鎮戍驛庫險要緊急之事。

一 博舉所舉等場。並照舊例。其欽頒造士冠帶賜宴各例。欽本領戶部官錢。與職類號席。整辨排

置并移送工部官。欽領官錢。縫作冠帶衣服。及諸事例節次。欽行。

一 欽試東閣庭試進士造士。與賜宴。並據禮部官移來。奉領戶部官錢。并職類號席。照發各司衛

整辦排置。並照舊例。欽行。賜宴使臣同。

一 舊例使臣欽往北國。并外國來貢與清華乂安等處公差。高平諒山諸員赴任。例有給牌。撥起

驛夫。並應據政堂官欽送方得撥給。

一舊例銓除。隨號直屬員職次。欽本御定。仍送吏部官。欽行敕旨頒許。

一內外諸軍。例有逃欠。及過故汰老。每月三期。管官類糾。本欽行欽傳鎮官拿捉。並依日期解納。逃號。并始欠另率。至期看度分送隊伍。其四鎮官解納一兵逃欠。並照例引送。其逃另拿得者。以杖論。經拿不獲者。以徒論。並照例奉行。其鎮兵差拿。間有得否足欠。依期不依期。本部備計洞達。候奉付下論行。

一係查出逃欠一兵。其本率口分官田。計送戶部收稅。待有應務給還。

一謁郊先農等禮。例有欽御應據禮部移送。預傳提領平治道塗。并畫圖。照補諸軍進傳。排插圖次。其謁郊日。插大旗自三門外。至南郊殿。

一會望應據刑部官計來干壇。仍照內外諸營奇隊船。刪補各壇計來各部奏行。

一旗燾禮。遞年開印日。樞密院欽傳欽天監預擇祭日。請旨奉行。敕旨掛粘。并行欽傳欽送。又安四鎮及高平府。欽照行禮。至期本部預日畫圖。照補諸軍進侍圖次。其當行各役。仍照准例奉行。及移次各部欽行。

一旗燾後例。有奉考射堞。侍候步水。自十侍號統兵。在五龍樓庭。奉考交跌。其預中選把軸四車。

內刀等隊。例有諸曉七社。並許欽考外率。並應照例請旨。差官遵行。

一舊例遞年有射犒壇。茲應參酌。請旨遵行。

一諸軍考射堞例。三年一期。應照例計請頒賜。欽行。以各隊能否爲管官課績。

一考射銅壺內外水步諸軍例。三年一期。用秋節應照例請敕。差官欽行。

一操演諸軍。其水兵有水務棹習。其步兵有歲習月習。並照舊例。請旨欽行。其水兵應看水計務遞達。

一博舉場期例。有奉考侍候步兵陣圖。其外兵係至旗纛後考。在中沙。於場期例。有奉考諸軍刀藝。照例計請差官欽行。其屬部諸軍刀率。照割屬吏隨欽差官。其賞罰例。在欽差官照定。

一會試博士等場。並照例計請。擇差巡繳巡路體察等員。并擇該吏寫榜把門。膽對及割武士兵奉行各役。并畫圖照補諸軍排插進傳圖次。與鄉試場。照例擇差該吏寫榜。

一係有天朝欽使來至公館。照據欽差官計送。排整兵馬迎接赴京。及傳提領平治道塗廂舍。一係有哀牢及諸外國詣京朝貢。照例排插諸軍欽傳圖次。

一朔望常朝講番。及諸朝賀大禮。並照例排插諸軍欽侍。

一公象公馬。在廡寔數若干。應照參酌舊例。准定養草錢數。計請咨來戶部官。仍送公象公馬各隊。領官錢在戶部照發。

一欽守器械。旗鼓鉦鑼。衣帽銃口。藥碑。硫磺。烏鎗。及一切兵用。歸貯官庫。及委吏夫奉守。間有欽送收發。註簿詳白。其凡關兵用等物件。多寡足欠。久近堅好。並公同官量計請。或煑作或修理。預先准備。

一二處優兵。及長安府四鎮一兵簿籍。應修寫三本。務在詳白。請用封子。一本進覽。一本納在政堂。一本留在本部公堂。委堂下官分掌粘鎖。如有送來增減除赦。公同查比端的。方可改正原簿。其餘減兵率。須據政堂議准欽送。方可遵除。或內有可礙。許執奏付下政堂臣。再審得確當。

一 欽奉准頒管兵各員。欽寫敕旨頒賜。仍計來戶部官併給制祿民。
一 欽頒各營官印。與易營始營各員。欽頒官劍照例請旨欽行。
一 舊例三年一期。其選場兵補入侍衛。各隨尺寸。量定口分。如未至期。而侍衛官有缺。亦許選補。仍以秋節奉行。

一 中候小候把門把令四廚理刑等隊。有逃過者。其管官類納在本部官。計來屬部併補入例。其管官有本欽進者。引在本部官奉行。

一 欽守官土。如有欽旨內頒。如有本恭乞。據政堂官計送。度寔畫圖。註寫千畝高丈尺。仍照例計請頒許有差。其國子監地分之土例。在知監官奉度。不在此例。

一 欽度官店軍房所。其隨號屬員侍候水兵步兵。各有准定丈尺。其水兵步兵。照給巨中小各號有差。外水兵各照本廠地方。其銃匠機匠與天雄軍所。亦應管照。仍申飭賣買條禁。

一 逐月欽點更鐘例欽行。

一 送力役。據本部計來欽行。某後量當千人。某日完訖。仍照例計送。

一 諸社民影蔽另率。鳴比另率。侍求職色。不受另率。奪議另兵附糧口糧田土口分粟。官民爭奪另兵口分官田。破毀禾穀。兵士占濫口分官田。諸軍士不滿尺寸。擅替爲侍候。與相爭先次。自相毆罵。并兵民相毆。及盜取官物。更守官物不謹。與管糾本兵驕弄廢逃。兵士鳴管官抑類苛虐。與凡管兵隨號屬員糾某奇隊兵不法。隨號員相爭寓祿。號兵相爭口分與毆打凌罵等事。及社民鳴本社號兵豪橫各節。並鳴在部查論。

- 一 欽守南山二十四縣。與太原處十一縣。州丁田簿。歸貯公函。擇本吏分跡奉守。委堂下吏分掌粘鎖。如有增減與入例。送來本部官公同查比。顯白方可改正。
- 一 屬部前字各營奇隊船。隨號屬員寓祿。并兵口爲民。據戶部計來。寫派給許。
- 一 欽收詣曉鑄銅本局九社私租。轉納戶部。
- 一 欽收四銃二機二鉛二礮六匠。上存各奇隊船。未有給管。
- 一 屬部寓祿制祿口分。存餘進納。與欠領官庫。置爲南收錢發粟子。南收粟子發錢等號。並照舊例奉行。其寔收錢粟。計來戶部送發。
- 一 遞年歲週交春等禮。照屬部諸殿廟寺觀禮物錢數。備本納政堂。送戶部照發官錢。領欽議行。
- 一 遞年欽領官曆官扇春牛。頒賜屬部各營奇隊船官兵。
- 一 欽收屬部軍田湖田粟稅。納在戶部歸貯官庫。
- 一 凡有修理作銃口及一切兵用。照銃隊與各局匠開價。仍備本欽納政堂。送來戶部官覆價。照發官錢奉行。事訖計來戶部覆勘。其橫亭市牛皮照例欽收。奉行兵用。
- 一 屬部山南宮廟祭器。如有毀裂。許二司官皂隸民。備本納在本部勘寔。納在政堂。送戶部覆價。欽領官錢。奉行事訖。計來覆勘。及欽頒某員監守。據欽送行敕旨。頒許。
- 一 奉頒賜恤錢屬員并兵。據管官備類。照例欽領官錢。在戶部照發。
- 一 捷徑簿及管官制祿。隨號屬員寓祿。優兵一兵口分民。與看度優兵尺寸。奉度官居房軍所高。畝丈尺諸事例。並應修寫簿。分付屬吏欽守。

卷十六 官職誌

庶司職掌之殊

卷十六 官職誌

庶司職掌之殊

六十

一 欽頒舊號官符節。及密號燈旗。徵兵鼓號。並參酌舊例。請旨准定遵行。

一 聖節禮。照補侍候各號。奉侍奉迎圖次。與欽傳太原鎮官。轉送輔導回京拜賀。奉頒青吉衣。并行李。在戶部官照發。舊例有奉頒諸事鵝餅。請旨准定。欽領官錢。付管官奉作。至上進欽頒。

一 進尊金箋金冊等禮。據政堂官送來。排插侍立奉迎圖次。

奉收內衛子民義興。天長。建昌。天池等號。據戶部計來。干社奉收進納。在南甲乞徵號收貯。計來戶部送發。

一 內外諸軍。舊例有奉頒新年慶賀錢。與四月錢。並照舊例。請旨奉行。

一 舊例奉頒侍候水軍。并仍一內仍汴處。茲應參酌。請旨准頒。

一 隨號由奉經引撮取。方照奉送。其屬員凡有科場與閱。奉計副正隊長。送屬內外兵各有差。後如有再中科場。與奉經引撮取。如得自外易職。其奉差更審屯鎮。有乞家人隨從應務。奉准奇隊亦有差。應照舊例奉行。

一 請另兵已送隊伍。其管官及辦吏不得擅許納錢回家。應時常申飭。以防欺隱。

一 預管兵各員。不得私爲親義。經許借力役。應照舊例時常申飭。

一 四鎮長安府一兵。自奉准定率例。某社率多者。照水步例送隊伍。率少者宜送隨候。並量照彼社歸送。時常查比。不許屬吏擅便抽送隱瞞。以正兵額。

一 各縣社衛兵。經奉閱簡分置奇隊。有事徵發。無事歸農。一武學教習考舉。應照舊准定參酌。請旨差官奉行。

一天下版圖。凡山川險易。地方衝僻。日程遠近。及京營鎮守。關津要害之處。並應查照畫圖三本。一本進覽。一本納政堂。一本留本部。

一欽御觀省方民。凡水步諸軍進侍。照例奉行。

一各衙門所。徒象徒馬各囚人。計來照送充役。

一屬部太原處鎮官。進納本處租庸調錢。據戶部送來欽收。待有派送照發。

一遞年收發錢粟等項。及奉領官錢。奉行各役。歲季總計修寫奉簿三本。請用封子。一本進覽。一本納政堂。一本納戶部。

刑部職掌律令刑名。按覆獄訟。徒隸關禁之政。

一審讞重囚。凡內外各衙門。斷過重囚。經限照例。備本欽納政堂。送本部調案。并調囚人付監東門獄。仍公同覆議。當刑則刑。當贖則贖。務得平允。具奏請旨。其當刑者付監。待多節行刑。其准贖者監收贖錢。

一拿捉逃囚。凡內外各衙門。斷過囚人在逃。備本欽納在本部。行欽傳送各鎮守留守督鎮拿捉解納。本部付監。待刷錄期。分判律刑。送配各項。請旨欽行。

一刷錄囚徒。凡內外各衙門。斷過留監囚人。遞年八月期。本部奏請差官刷錄。在內御史同本部刷錄。在外該道監察御史。同憲司刷錄。各照在監囚徒。分別矜疑情寔二項。限十月旬完結。具奏請旨欽行。

卷十六 官職誌

庶司職掌之殊

六二

一收贖罰。凡內外各衙門。奉收贖等錢。遞年歲季納在本部。照收贓幣禮各錢歸貯。仍類簿在戶部。待有支消。據該部送發。其各衙門類計贖罰頑強不納等人。本部行欵付差收。

一察視獄囚。凡在內衙門監禁囚人各獄。逐月分委屬司官吏親往獄所看照囚徒。并勘枷鎖杻。如法不如法。及監所燥濕。申飭獄卒。一遵准例。有違例者。隨輕重警策。其盛夏隆冬等月。在監各囚。尤當加意矜恤。仍照律例頒行。

一凡刑名律例。以時參酌損益。如見舊律例。本條輕重未妥當。計具奏付下公議參定。俾得其平。一遞年會盟誓期。其當行各役。並照遵准定。仍移送衙門遵行。其屬山西興化等處。轉送各部。照所屬差行。

一鄉試會試等場。照例擇差該吏把門寫榜并謄寫懸條各役。

一山西處二十四縣。與興化處三府。丁田簿。擇付該吏分跡欵守。其簿歸貯公函。委堂下官分掌粘鎖。以防顛倒。如有送來增減。與入例。本部官公同查比顯白。方可改定。

一屬部右字各營奇隊船寓。祿口分民。據戶部官計送。欵行依給。

一屬部興化處鎮官。進納本處租庸調錢。據戶部送來欵收。待有派給照發。

一欵收屬部宮廟湖田池軍田粟子稅例。轉納戶部。歸貯官庫。

一欵收官坡窮河在安山縣福柴瑞圭天福慶津紫溪等社村。共五段稅例。待有派送照發。

一係欵御旗纛會試博舉省方等期。並照例割使該吏體察屬部諸軍圖次。

一旗纛考射。照例差屬吏。隨欵差官奉考。

一博舉場。其考刀與屬部各奇隊船刀率。照例差屬吏。隨差官奉考。

一遞年奉行冥衣壇。照例欽本領取官錢。在戶部理作壇所。其禮物計來。戶部整作事訖。其壇留置。至次年修理奉行。

一遞年欽領春牛官曆官扇。照發屬部各營奇隊船官兵。

一屬部制祿寓祿戶分。存餘進納與欠領官庫。置爲兌收粟米發錢。兌收錢發粟米等號。應照舊例奉行。其寔收錢粟計來。只存干社。照例收牧。轉納在兌甲乙徵號。收貯計來。戶部送發。

一屬部山西處宮廟。及傘圓山祠。并祭器等項。如有毀裂。許二司官守隸民。備本納在本部。勘寔類納政堂。送戶部官覆價。欽領官錢。奉行事訖。計來。戶部覆勘。及欽頒某官監守。據欽送行敕旨頒許。

一遞年聖節禮。欽傳興化處鎮守。轉送輔導。回京拜賀。欽領青吉衣。并行李錢。在戶部官照發。

一遞年奉收錢發粟米等項。及奉領官錢。奉行各役。歲季總計。修寫交簿三本。請用封子一本。進覽一本。納政堂一本。納戶部。

工部職掌城池橋梁道路土木工匠之政。繕修營造之事。

一登極禮。欽頒恩詔。據禮部咨領戶部官錢。作朱榜。并鐵脚鉤。納在該衙門。

一庭試。據禮部咨領戶部官錢。作黃榜木函等件。交該衙門欽行。

一進士造士使官。欽奉頒賜冠帶衣服花枝。與致仕彩旗。並據禮部官咨來。欽領戶部官錢。照例欽行。

一 遞年立春牛。照例領戶部官錢欽行。

一 遞年丁祭與社稷風雲先農等壇祭器各項。據禮部咨領戶部官錢整作。應照例欽行。

一 凡歲貢并告哀求封謝恩欽賀奏事各部儀物并前部打發候命贄見臚犒欽使打發各禮物。據政堂欽送。照例繕整。屬吏二名。隨貢使官欽守公貨。

一 使臣民祿田祿。及行隨田祿。據政堂官欽送。仍計來戶部照給。送來欽行派跡。其隨行饒夫。照例欽行。

一 使臣民祿田祿例有六十年一期。仍省。茲照舊例。其使部已至期請旨頒下欽行。

一 遞年各據堤路貢口并畿內石堤石翰。其差官初勘覆勘培築築立工程期限。具有成規。茲應許本部官。照舊規逐節具議。請旨仍行。欽傳各衙門遵行。其築作而用錢數。本部官具奏。仍由戶部官照發。

一 遞年水務。四月一期例有量例官錢。結作艇楫各隻付水兵掉習番次。至期本部照舊例。請旨送戶部照發官錢。付各奇隊結作。掉習事訖。請旨解領歸貯。

一 造作官船。凡輕船與海道馬臚船等船。差官造作。其長濶制度工料需費。具有成式。茲應酌量請旨差官欽行。其完成進納。本部官照例勘寔。量價定賞罰。請旨欽行。其船奉頒水軍各奇隊領取歸貯。

一 官船日久毀弊。管官備本納在本部。或應修理。或應改造。分別請旨。照例欽行。

一織作船蓬。例頒官錢。付管官理作。具有准定例。本部官欽送戶部照發。其經年毀弊。管官類納。本部官勘寔。并發官錢修理。

一船廠各次。例發官錢。付管官構作。其錢數例有准定。本部官欽送戶部照發。完成日。本部官勘寔。照定賞格。其經年朽弊。管官備本納。在本部勘寔。送發官錢修理。

一裝載鐵林木。鐵林板并栲木。在又安處。例取各處海門船楮。具有舊額。應隨木數多少。酌量請旨欽行。

一凡鉄林板導栲木。具綽撲掉欄柱蓬架等項。例在又安處鎮官取公錢奉買進納。本部歸時。以備工作。

一北語司通事。舊例員數。各給賜口分有限。近來頗有泛濫。茲應查照舊例。請旨差官考核。諸北語者。許給口分官田。其餘汰回。以省冗食。其欽頒該船官敕旨。據政堂欽送奉行。

一欽奉官紅船。并瓦蔽葉廠。在各地地方。其官廠已有本分船。在管理。整作無有本分者。本部理作。一欽守官船。船快船板各次。并葉廠。在中沙。其官廠在本部。送取水兵修理工作。

一製作裡旗各面。付水兵各奇隊船。其雙頭旗。在管官理作。

一遞年旗幟。據兵部計送。結作船五隻。奉射馳驅。并廟江北岸五隻。

一寶龍繞車。并巨門申車。小車各座。間有修理理作。應照例欽領戶部官錢。欽行。

卷十六 官職誌

庶司職掌之殊

六六

一奉頒牧諳曉甲二號捏板局。刻作局。牙作局。彈局。各社民。

一百工各局。其局正副守墨本局。照發口分官田。具有辛亥年准定。近來各局人數頗多。照給頗濫。茲應請旨。差官考覈精巧者。留本局。照舊例給口分官田。餘各汰回。以省冗食。

一常班各局。內有與百工各局相疊。茲應查照其局當省。酌量請旨。欽行。

一畿內土城八門及塢門。并橋梁水關等役。間有修理理作。照例請旨。欽行。其土城應時常看察。如有某段決裂疎漏。許具本奏候旨。差官兵培築培附。俾得完固。

一欽守百工各局簿。并人數應務。其欽行敕旨。并派給口分官田。并照例。欽行。

一凡宮殿皇城。應時常省察。如有當修理葺培補。酌量工程。請旨。送工正官。欽行。

一欽守京北各縣租庸簿。并諒山處七州丁田簿。並歸貯公函。擇付本吏分跡奉守。委堂下官分掌粘鎖。以防顛倒。如有送來增減與入例。應公同查比端的。方可改正。

一屬部後字各營。奇防船寓祿口分民。及祀事各族祀事民。據戶部計來。欽行派給。

一屬部文江華棊青吉布。東岸大庭水油。嘉定良法青楊紙。仙遊仙跡租庸錢米。照例收收進納。一牧收屬部軍湖田。當營田粟子稅例。轉納戶部歸貯官庫。

一諸民爭使臣隨祿。與使臣行隨占濫公田。及社民爭奪百工口分。與百工相爭口分。應務廢欠。並鳴在本部查論。

一欽守京北處月鶴公館。

一遞年告祭。歲週交春等禮。照屬部照諸殿廟等。視禮物錢數。備本納政堂官。送戶部照發官錢。欽行。

一鄉試會試寫榜把門膽對。照例擇差本部吏欽行。

一遞年欽頒春牛官曆官扇。照發屬部各營奇隊船官兵。

一欽收內園子文江洽和武江保祿等號。據戶部計來。只存干社。收牧進納在甲乙徽號收貯。計來戶部送發。

一屬部制祿寓祿口分。存餘進納。與欠領官庫。置爲北收錢發粟米號。北收粟米發錢號。並照例奉行。其寔收錢米計來戶部送發。

一聖節禮欽傳諒山處鎮官。轉送輔導回京拜賀。奉領青吉布。并行李錢。在戶部官照發。

一係御旗纛會試博舉省方等期。並照例割使該吏體察屬部軍圖次。

一屬部京北處宮廟祭器。如有毀裂。許二司官皂隸民備本納在本部勘寔。類納政堂官。送戶部覆價。欽領官錢。欽行事訖。計來戶部覆勘。及欽頒某員監守。據送欽行。敕旨頒許。

一諒山處督鎮衙門官進納本處租庸調錢。據戶部送來。照收待有派發。茲據依租庸調。已准爲貢期供納。

一旗纛日考射堞。考射銅壺。與博舉期。考刀諸軍。照例割使該吏隨行。欽差官奉行。

一遞年奉收發錢粟米等項。及奉領官錢。奉行各役。歲季總計。修寫奏簿三本。請用封子。一本進覽。一本納政堂。一本納戶部。

卷十六 官職誌

庶司職掌之殊

六八

按庶司職掌。自洪德校定而後。體統相承。成憲具在。蓋凡機務之重。悉關六部。而六科審駁。六寺承行。暨于百官遵職法紀。嚴明近倖。權威未嘗得以竊弄其間。誠爲一代之良法也。中興以來。政歸王室。始有府僚參陪之設。臺閣權柄。事體不一。永盛而後。復置六番官吏。則六部政務。盡爲侵奪。至于科寺各階。亦屬虛銜散職。雖其官品猶舊。而名制謬紊。政體厯雜。非復如國初朝廷之紀綱矣。龍德永祐以後。近倖弄柄。弊蠹日生。景興初年。始行校正。蓋凡中興以來。典例參酌。始備然其積習相沿。殊非古制。迨至昭統嗣政。改更宿弊。而六番職掌。悉歸六部。始庶幾有洪德建官之意。雖其世事推移。未及施措。而革弊復古之善。自有不可泯也。今故具錄。景興校定職掌於前。以詳中興以後政體。而復備載昭統六部職掌於後。以見其復遼國初之遺制云。